

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 1808183930 և 1808262926 որոշումներն անփոփոխ, իսկ վարչական բողոքն առանց բավարարման թողնելու մասին

<<26>> 07 2018թ. 17-13-83204-18/17-13-9434 ք.Երևան

ՀՀ ոստիկանության Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Արմենակ Հովսեփյանի դիմումի քննարկման արդյունքում ստեղծված նյութերը

Պ Ա Ր Զ Ե Ց Ի

Երևան քաղաքի Գյուրջյան փողոցի 60 շենքի 2 բնակարանի բնակիչ Արմենակ Հովսեփյանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին թիվ 1808183930 և 1808262926 որոշումները՝ նշելով, որ մի դեպքում չի ստեղծել վթարային իրավիճակ, իսկ մյուսում՝ առաջնորդվել է ձախ կողմում առկա լուսացույցի ազդանշանով:

Դիմումի քննարկման արդյունքում պարզվել է, որ դիմումատուի փաստարկները չեն կարող վարչական ակտերը վերանայելու հիմք հանդիսանալ հետևյալ պատճառաբանությամբ.

<<Տեսանկարահանող և լուսանկարահանող սարքերով հայտնաբերված Ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> ՀՀ օրենքի 3-րդ հադվածի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած տեսանյութն է կամ լուսանկարը:

ՀՀ կառավարության <<ՀՀ Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների և պայմանների ցանկը հաստատելու մասին>> թիվ 955-Ն որոշման 18-րդ կետի համաձայն՝ լուսացույցի կամ կարգավորողի արգելող ազդանշանի դեպքում վարորդը պետք է կանգ առնի <<Կանգ-գիծ>> գծանշման առջև:

Վիճարկվող որոշումների հիմքում դրված տեսանյութերը փաստում են, որ դիմումատուին պատկանող տրանսպորտային միջոցը Երևան քաղաքի Մամիկոնյան-Շիրվանզադե և Մաշտոց-Մոսկովյան փողոցների խաչմերուկների հատվածներում չի ենթարկվել լուսացույցի արգելող ազդանշանին, հատել է <<Կանգ-գիծ>> գծանշումները լուսացույցերի արգելող ազդանշաններով, որից առաջին դեպքում կանգառ է կատարել՝ չջարունակելով երթևեկությունը, իսկ երկրորդում՝ մուտք է գործել խաչմերուկի տարածք և հատել այն:

Ինչ վերաբերվում է դիմումատուի պնդմանը՝ ձախ կողմում առկա լուսացույցի թույլատրող ազդանշանի վերաբերյալ, ապա Ճանապարհային ոստիկանության Ճանապարհային երթևեկության կազմակերպման հսկողության բաժնի 24.07.2018թ. տեղեկանքի համաձայն՝ Երևան քաղաքի Մաշտոց-Մոսկովյան փողոցների խաչմերուկի հատվածում 15.06.2018թ. լուսացույցերի խափանման վերաբերյալ ահազանգ չի գրանցվել, դրանք աշխատել են սահմանված աշխատանքային ռեժիմին համապատասխան, ուստի վերջինիս պնդումը չի կարող դրվել որոշման հիմքում և դրա անվավերության պատճառ հանդիսանալ:

Ելնելով վերոգրյալից և դեկավարվելով <<Վարչական իրավախախտումների վերաբերյալ>> ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 1808183930 և 1808262926 որոշումները թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Արմենակ Հովսեփյանին:

